

YOSHLARNI HARBIY-VATANPARVARLIK RUHIDA TARBİYALASH KONSEPSIYASI

Ubaydullayev Saidakbar Saydaliyevich

Fargʻona davlat universiteti Harbiy taʼlim fakulteti talabasi

Annotatsiya: *Oʻzbekiston Respublikasi mustaqillikka erishgandan soʻng, yoshlarning chaqiruvga qadar boshlangʻich tayyorgarligi va harbiy-vatanparvarlik tarbiyasining tashkiliy huquqiy asosi yaratildi. Oʻzbekiston Respublikasi Konstitutsiyasi, «Mudofaa toʻgʻrisida»gi Qonun, «Umumiy harbiy majburiyat va harbiy xizmat toʻgʻrisida»gi Qonun, “Yoshlarni harbiy-vatanparvarlik ruhida tarbiyalash” Konsepsiyasi, shuningdek, Oʻzbekiston Respublikasi Mudofaa doktrinasi, Vatanga Qasamyod, Umumharbiy nizomlar va davlat idoralari, vazirliklarining bu sohadagi meʼyoriy hujjatlari qabul qilindi. Oʻzbekiston Respublikasi Vazirlar mahkamasining 2014 yil 18-dekabrda 348-sonli “Oʻzbekiston Respublikasi Yoshlarini harbiy xizmatga tayyorlash tizimini yanada takomillashtirish toʻgʻrisidagi qarori tasdiqlangan. Mazkur qarorning ilovasiga binoan, “Chaqiruvga qadar boshlangʻich tayyorgarlikni tashkil etish va uni amalga oshirish tartibi toʻgʻrisida”gi Nizom ishlab chiqilgan.*

Kalit soʻzlar: *Vazirlar mahkamasi, Chaqiruvga qadar boshlangʻich tayyorgarlik, hujjatlar, Mudofaa doktrinasi, Yoshlarni harbiy vatanparvarlik ruhida tarbiyalash, nizomlar, qarorlar.*

Vazirlar Mahkamasining 2018 yil 23 fevraldagi 140-son qaroriga

1-ilova

1-bob. Umumiy qoidalar

1. Yoshlarni harbiy-vatanparvarlik ruhida tarbiyalash konsepsiyasi (keyingi oʻrinlarda konsepsiya deb ataladi) mamlakatimizda amalga oshirilayotgan Yoshlarga oid davlat siyosatining ustuvor yoʻnalishlari va asosiy prinsiplari asosida ishlab chiqilgan boʻlib, hozirgi murakkab globallashuv davrida, axborot-kommunikatsiya texnologiyalari shiddat bilan rivojlanib borayotgan sharoitda Yoshlarni harbiy-vatanparvarlik ruhida tarbiyalash bilan bogʻliq dolzarb vazifalar va ularni hal etish yoʻllari, davlat va nodavlat notijorat tashkilotlari, oila, mahalla, talim-tarbiya institutlarining bu boradagi roli va ahamiyatini, oʻzaro hamkorligini hisobga olgan holda belgilab beradi.

2. Mazkur konsepsiyada Yoshlarni harbiy-vatanparvarlik ruhida tarbiyalash masalasiga jismonan va manan sogʻlom avlodni tarbiyalashga oid yaxlit talim-tarbiya tizimining uzviy va ajralmas qismi sifatida qaralib, Oʻzbekiston Respublikasi 2017-2021 yillarda rivojlantirish boʻyicha Harakatlar strategiyasi talablari asosida milliy va jahondagi ilgʻor tajribalar, bugungi Oʻzbekiston hayotidagi real ijtimoiy-siyosiy oʻzgarishlar bilan uygʻun ravishda takomillashtirish masalasiga alohida etibor qaratildi.

3. Ona Vatanimizni ko'z qorachig'idek asrash, uning shuhratini dunyoga tarannum etish bilan bog'liq eng muhim tushunchalar, hayotiy va professional ko'nikmalarni ilm-marifat asosida Yoshlarning qalbi va ongiga ilk bolalik davridan boshlab singdirib borish orqali O'zbekistonning haqiqiy vatanparvar fuqarolarini tarbiyalash Konsepsiyaning asosiy mazmunini tashkil etadi.

4. Yoshlarni harbiy-vatanparvarlik ruhida tarbiyalash – bu millati, tili va kasbidan qatynazar, yoshlarda Vatanga sadoqat tuyg'usini shakllantirish, ularni o'z fuqarolik burchi va konstitutsion majburiyatlarini bajarishga, jamiyat va davlat manfaatlarini himoya qilishga qodir shaxslar etib tarbiyalashga yo'naltirilgan davlat organlari, jamoat birlashmalari va boshqa tashkilotlarning ko'p bosqichli, tizimli, maqsadli va muvofiqlashtirilgan faoliyatidir.

2-bob. Yoshlarni harbiy-vatanparvarlik ruhida tarbiyalashning maqsadi va asosiy vazifalari.

5. Yoshlarni harbiy-vatanparvarlik ruhida tarbiyalashning maqsadi Yoshlarda jamiyatning turli tarmoqlari, ayniqsa, harbiy soha bilan aloqador bo'lgan davlat xizmati turlarida faollik ko'rsatish, tinch va harbiy sharoitda Konstitutsiya va harbiy burchga sadoqatli bo'lish, ularda o'z yurti va xalqi taqdiri uchun yuksak masuliyat va javobgarlik kabi muhim xususiyatlarni shakllantirishdan iborat.

6. Quyidagilar yoshlarni harbiy- vatanparvarlik ruhida tarbiyalashning asosiy vazifalari hisoblanadi:

Yoshlarni milliy g'oya va Vatanga sadoqat ruhida tarbiyalash, ularning qalbi va ongiga Vatan himoyasi sharaflari va muqaddas burch ekanini chuqur singdirish;

qadimiy tariximiz va madaniyatimiz, jonajon Vatanimizning mustaqilligi va ravnaqi yo'lida fidokorona kurashgan milliy qahramonlarimiz bilan faxrlanish, ularga munosib bo'lish tuyg'usini shakllantirish, milliy armiyamizning qudrati va salohiyatiga bo'lgan ishonchni kuchaytirish;

milliy armiyamizga jismonan baquvvat va manan yetuk yoshlar zarurligi, harbiy xizmat har bir O'zbekiston fuqarosi uchun muqaddas burch ekanini haqidagi tushunchani hamda bu boradagi nazariy-amaliy ko'nikmalarni mustahkamlash;

Yoshlarda yon-atrofimiz va jahonda ro'y berayotgan siyosiy-ijtimoiy jarayonlarga milliy manfaatlarimizdan kelib chiqqan holda yondashish ko'nikmalarini, turli ichki va tashqi tahdidlarga qarshi mafkuraviy immunitetni shakllantirish;

har qanday murakkab vaziyatda tezkor va mustaqil qaror qabul qilish, zamonaviy harbiy texnika vositalaridan samarali foydalanish malakasiga ega Yoshlarni tarbiyalash;

O'zbekiston manfaatlarini nafaqat harbiy sohada, balki hayotning barcha jabhalarida himoya qilishga tayyor turish, yurt uchun fidoyi bo'lish-bu bugungi kun talabi ekanini hayotiy misollar va tasirchan vositalar orqali Yoshlar ongiga singdirib borish.

3-bob. Yoshlarni harbiy-vatanparvarlik ruhida tarbiyalash tizimi va uning asosiy prinsiplari.

7. Yoshlarni harbiy-vatanparvarlik ruhida tarbiyalash tizimi uzluksiz jarayon bo'lib, u bir-biriga bog'liq siyosiy-huquqiy, ijtimoiy-iqtisodiy, g'oyaviy-mafkuraviy, madaniy-ma'rifiy tadbirlar majmuasidan iborat.

8. Yoshlarni harbiy-vatanparvarlik ruhida tarbiyalash ishlari O'zbekiston Respublikasi Konstitutsiyasi va qonunlari, O'zbekiston Respublikasi Oliy Majlisi palatalari qarorlari, O'zbekiston Respublikasi Prezidentining farmonlari, qarorlari va farmoyishlari, Vazirlar Mahkamasining qarorlari va farmoyishlari, Qurolli Kuchlarning Umumharbiy nizomlari va boshqa qonun hujjatlariga muvofiq olib boriladi.

9. Yoshlarni harbiy-vatanparvarlik ruhida tarbiyalash ishlari muntazam ravishda tizimli va ilmiy asosda tashkil etiladi.

10. Yoshlarni harbiy-vatanparvarlik ruhida tarbiyalash tizimi quyidagilardan iborat:

ta'lim-tarbiya jarayonida ijtimoiy-ma'naviy ahamiyatga molik qadriyatlarni, Vatanga muhabbat va sadoqat ruhini shakllantirish va rivojlantirishga qaratilgan maktabgacha ta'lim, umumiy o'rta ta'lim, kasb-hunar talimi va oliy ta'lim muassasalari;

11. Quyidagilar Yoshlarni harbiy-vatanparvarlik ruhida tarbiyalashning asosiy prinsiplari hisoblanadi;

ilmiylik;

tarixiylik;

aniqlik va tezkorlik;

muntazamlik;

faollik;

ta'lim va tarbiya ishlarining uyg'unligi;

tarbiya jarayonining izchilligi;

harbiy-vatanparvarlik tarbiyasida erishilgan ijobiy natija va yutuqlarga tayanish.

FOYDALANILGAN ADABIYOTLAR:

1. O'zbekiston Respublikasi Prezidentining Farmoni. 2003 yil 24 mart.
2. A.O'lmasov, M.Sharifxojaev. Iqtisodiyot nazariyasi. T. 1995 y.
3. .A.O'lmasov, A. Vahobov. Iqtisodiyot nazariyasi. T.: Sharq. 2006.
4. D.Tojiboeva. Iqtisodiyot nazariyasi. I-qism. T. 2002.
5. D.Tojiboeva. Iqtisodiyot nazariyasi. II-qism. T. 2003.
6. N. Beknozov. Iqtisodiyot nazariyasi. / /Darslik. - T. 2005 y. 14. U.Umarov. Iqtisodiyot nazariyasi. / /O'quv qo'llanma. T.: Meros. 2004.
7. Sh. Shodmonov, R.Alimov, T.Jo'raev Iqtisodiyot nazariyasi. T. 2002.
8. Sh. Shodmonov, U.V.G'afurov. Iqtisodiyot nazariyasi. T. 2005 y.
9. Экономика Узбекистана. Информационно-аналитический обзор за 2005 год. Т.:Узбекистан. 2006.
10. Lex.uz-sayti.

